

Na osnovu člana 13. stav 1. alineja 16. Zakona o principima lokalne samouprave u Federaciji BiH („Službene novine FBiH“ br.: 49/06 i 51/09) , člana 10. stav 1. alineja 2. Statuta Općine Centar Sarajevo - Prečišćeni tekst („Službene novine Kantona Sarajevo“ broj: 23/04) i Zaključka Općinskog vijeća o usvajanju Inicijative Općinskog načelnika za pristupanje izradi Elaborata o ekonomskoj opravdanosti osnivanja pravnog lica-javnog preduzeća za upravljanje i održavanje objekata i imovine u vlasništvu Općine Centar br.: 01-04-147/24-14 od dana 19.12.2024. godine, Općinsko vijeće Centar Sarajevo je na 9.redovnoj sjednici održanoj dana 31.07.2025.godine, donijelo

ODLUKU

O USVAJANJU ELABORATA O OPRAVDANOSTI OSNIVANJA JAVNOG PREDUZEĆA „CENTAR“ DRUŠTVO SA OGRANIČENOM ODGOVORNOŠĆU SARAJEVO

Član 1.

Usvaja se Elaborat o opravdanosti osnivanja Javnog preduzeća „Centar“ društvo sa ograničenom odgovornošću Sarajevo.

Član 2.

Utvrđuje se postojanje javnog društvenog interesa za osnivanje pravnog lica- Javnog preduzeća „Centar“ u skladu sa Elaboratom o opravdanosti osnivanja Javnog preduzeća „Centar“ društvo sa ograničenom odgovornošću Sarajevo.

Član 3.

Pravno lice će obavljati djelatnosti od javnog društvenog interesa u okviru nadležnosti Općine Centar Sarajevo koje se odnose na obavljanje komunalnih i drugih usluga, te održavanje objekata i javnih prostora kojim upravlja Općina Centar Sarajevo, kao i obavljanje drugih djelatnosti od javnog interesa Općine Centar Sarajevo u cilju osiguranja uvjeta za efikasnije i kvalitetnije djelovanje Općine, a sve radi zadovoljavanja osnovnih potreba građana, uključujući i djelatnosti neophodne za održivost pravnog lica- Javnog preduzeća „Centar“ društvo sa ograničenom odgovornošću Sarajevo.

Član 4.

Sastavni dio ove Odluke je Elaborat o opravdanosti Javnog preduzeća „Centar“ društvo sa ograničenom odgovornošću Sarajevo iz člana 1. ove Odluke.

Član 5.

Ova Odluka stupa na snagu danom objavljivanja na oglasnoj ploči Općine Centar Sarajevo, a naknadno će se objaviti u Službenim novinama Kantona Sarajevo.

Broj: 01-04-100/25
Sarajevo, 31.07.2025.godine

Ova odluka je objavljena na
Oglasnoj ploči Općine Centar

05-08-2025

**ZAMJENICA PREDSEDAVAJUĆEG
OPĆINSKOG VIJEĆA**

Sara Arslanagić

